

丑

4133



保德縣鄉土志

民國五年
題簽

保德州鄉土志歷史目錄

第一章 本境

唐虞夏商

秦漢

宋

前明至 國朝

第二章 政績

高 渙 高懷貞等附

周 山

李春芳

蔡繼榮

周

魏隋唐

金元

袁 公

高岡鳳

韓朝貢

胡 柟 凡三節

王國珪

王秉翰 沈潤芳附

姚慶布

王智和

第三章 兵事

宋

明之俺答 凡二節

牛化麟 周四附

保德所未錄

第四章 耆舊

趙 甯

王克昌

莫兆文 周天麟附 凡二節

沈晉祥

劉鴻遠 陳贊清附

元明

明之流寇

回亂

武備 未錄

狄元昌



狄 琮

張 綬

王昌齡 徐堯臣等附

王所用

陳奇瑜 凡三節

韓友范

郭邦真

附 姪 磐

康明秋

張射斗

附 崔耀

楊振林

姜 楠

徐 煜

曹 工 亮 附

閻 緒

子 介 和

馬在霞附

趙彥亨 高爵附

戴 辰

馬化龍 崔士成附

王 郅 凡四節

姜名武

高日旻 常道行等附

姜宗呂

白 眉 子君琳附

劉祖舜

徐開第

張拱極

張三綱

王汀洲

子 樟 附

楸

櫟

王文鳳

王芳洲

閻慶長附

王 楗

徐克明

弟克剛附

王 枯

王 蕊

子天衛孫克恭曾孫三鳳附

張冲魁

王自休

王有貴附

楊懷珍

死節婦女

夫亡年少家貧撫孤守節最苦之婦

夫亡親老年少撫孤節孝雙全之婦

第五章 人類

州人之性情風俗 凡二節

第六章 戶口

戶口總數

第七章 氏族

州人之由來凡二節

第八章 宗教

宗教

第九章 實業

士

農

工

商

張勵行補遺

生齒不繁之原因

保德州鄉土志 光緒三十三年五月

督修

四品銜山西保德直隸州知州

知府銜署山西保德直隸州知州

編輯

六品銜山西保德直隸州吏目

贊助

候選直隸州州判拔貢生

優 廩 生

參訂

河南試用直隸州州同州舉人

四

候選州判 恩貢 生

膳錄

廩 生

延 祉

葛文濬

吳大猷

趙崇信

王禮垣

崔文郁

王東垣

王贊堯

保德州鄉土志總目

第一編

歷史

第二編

地理

第三編

格致

保德州鄉土志歷史科

光緒三十三年五月

第一章 本境

第一節 唐虞夏商

保德州在唐堯時代為冀州西北邊地虞夏商三朝凡一千一百餘年間俱屬冀州

第二節 周

周武王時仍屬冀州其後周室漸衰戎狄強盛於是為北胡樓煩所占戰國時趙武靈王攻破樓煩盡略其地此地屬趙

第三節 秦漢

秦始皇滅趙一統天下分天下為三十六郡此地屬雁門郡漢為樓煩縣境地仍屬雁門郡後漢末年因羌胡抄邊無甯歲朝廷盡徙其民於塞內遂棄其地


第四節 魏隋唐

至西晉時代北魏始祖拓拔猗盧求得棄地更置郡邑此為秀容縣境地隋因之唐屬嵐州

第五節 宋

宋淳化四年分嵐州地於此置定羌軍以朝散大夫上騎都尉知軍事兼設同知判官司獄軍使知法司候儒學等官凡十二員以佐之為此地建城設官之始屬河東路景德元年改名保德軍欽

晉北王禮垣較訂
銅梁吳大猷編輯



宗時割以與金

第六節 金元

金大定二十二年升為州設刺史主州事屬河東北路後添設倚郭縣元憲宗七年廢縣至元二年以隸州邑州歸本州管轄三年又併岢嵐軍入焉此為保德州屬地最廣時代四年分岢嵐隸管州今靜樂縣專轄隸州今河曲縣屬冀甯路

第七節 前明至 國朝

明洪武七年降為縣八年屬岢嵐州九年復升為州屬太原府國朝因之雍正二年升為直隸州轄河曲縣興縣屬雁平道八年分興縣隸太原府本州專領河曲縣

第二章 政績

二

第一節 高渙 高懷貞 王嘉言 張令臣

宋熙甯年間知軍事高渙創建文廟在今南關後燬於兵火金大定元年高懷貞改建於城之西北隅即今廟又其後王嘉言添設講堂與諸生講明道學張令臣修聖像考正冕服規模大備由此文化漸開

第二節 袁 公

元至正十三年府谷官兵越境作亂州人大受其害樞密院判袁公引兵來防守生者得歸死者乃葬明年授知州有膽略凡遇差徭事務不忍多派民間謁上官請減省

第三節 周 山

明宏治年間知州周山建社訓蒙登堂講學出郊勸農設法備賑

修城池置倉場分城中水道為四渠由城上引之出城建譙樓及各官衙禁止邪說沸事並賭博盜賊等類人謂其視公事如家事

第四節 高岡鳳

嘉靖年間知州高岡鳳於城鄉遍立社學朔望親往考校獎勵俊秀作勸民歌迎春歌民稱真父母有爭訟者令自拘人至即問理獄無冤屈因先年曾任督糧收不及數至此革職得報向北稽首飄然而歸州人為立去思碑

第五節 李春芳

嘉靖四十二年俺答擾亂地方大遭殘害知州李春芳教以防守始終四年毫無懈怠民依為命又長於聽訟強橫者不敢犯

第六節 韓朝貢

三

萬曆二十八年河水衝地六十餘頃屋宇漂蕩悲號震野知州韓朝貢請免糧八十餘石又倉米向收折色朝貢請還收本色不煩召買民得其便尙嵐左布政趙彥巡行來州見州城皆土築議以磚包委朝貢監修領庫款役兵勇不費民間一錢一力

第七節 蔡繼榮

萬曆年間蔡繼榮由忻州同知署州事留心民瘼雖為時不久然興利除弊深得民心有園戶送菜繼榮不受曰此為良民美意但恐因而為例非下送上乃上索下矣事雖至小實關政體本州自今裁革非沽名非立異心實有不安耳

第八節 胡 柟 上

胡柟陝西洵陽人為繼榮後任裁革農民集稅房夫鄉夫軍夫菜

戶炭戶船戶地方柴帚木炭排年迎接彩旗鋪行銷墊里老龜條
放糧酒席請捐所徭折馬價減鹽稅免耗糧免災糧酌定倉豆出
孔

第九節 胡 柟 中

設城鄉常平社倉請蠲社倉利穀增養廉倉穀本募義勇修九寨
立糧冊給由帖修學宮置學田造祭器聘社師明經講學勸課生
童設處貢生班銀舉名宦鄉賢節婦爭議渡船整理軍器給囚糧
倉庫各役紙張工食里書赤歷紙張等費

第十節 胡 柟 下

陞湖廣同知去之日闔州老幼焚香泣送百里不絕建生祠四十
餘所立碑刻其善政四十餘條從祀名宦祠此為保德州極有名

譽官長至今猶存遺像人作記念

第十一節 王國珪

崇禎三年府谷賊王嘉允來攻州城知州王國珪督士民堅守寢
食城頭大聲誓於神前曰國珪棄父母於萬里之遙捐妻子於鋒
刃之下甯與城俱碎不與賊共生練兵籌餉賞罰嚴明州境賴以
保全

第十二節 王克昌

州地向無驛站至康熙三十六年
聖駕西征乃由太原平陽潞安各府撥馬五十匹輪流支應後因
道路遠隔馬夫舞弊誤公官不能制一遇大差仍係本地供應民
受其害知州王克昌言於上請所撥各驛夫馬與工料銀兩就近

在州支領喂養部議許之

第十三節 王秉韜 沈潤芳

州城中無水取汲者必至城外巉巖曲折登降艱難乾隆五十年知州王秉韜乃於西門內北隅掘成一井惜年久淤塞又河中產鯉每年例貢一百四十尾後列副貢饋送各名目加至四千有零秉韜減至二千五百尾嘉慶年間連歲歉尸橫載道逃亡尤多知州沈潤芳請永免徭銀七百十七兩零

第十四節 莫兆文

道光十七年知州莫兆文於城中創建書院名曰蓮峯手訂學規苦心孤詣籌畫經費五千餘串又設義學於城外施藥療病善政及民後奉檄攝他府篆三年不返其政廢墜州人士赴省請之得

五

回任一時頌聲載道至今士林稱道不衰逢生忌日為之饗祀

第十五節 莫兆文 周天麟

又境內業漁者日供州署食魚至夏水漲魚最難得差役持票勒索大受其害名曰夏行兆文立碑裁免只令貢魚照舊備辦其後至光緒二年周天麟知州事議冬至正貢魚九十尾副貢九百十二尾年終正貢五十尾副貢一百尾遂為額數

第十六節 姚慶布

同治年間狃匪擾亂近至府谷縣地慘毒異常州人大恐知州姚慶布知人善任防堵認真地方賴以保全

第十七節 沈晉祥

光緒三年山西全省大疫州境斗米千八百錢食以樹皮死亡載

道巡撫曾忠襄伯爵諱國奏允編審丁冊通行各州縣知州沈晉祥仰體

朝廷愛民盛心督同州人趙時清張勵行張秉倬王東垣等實心實力經營年餘前後兩次查出實在逃絕缺額二千四百六十二丁每年應徵丁糧銀一千七百七十五兩零隨耗銀二百三十兩零全數邀免民困大蘇

第十八節 王智和

本州科歲考試向由新生攤出棚費歲試在岢嵐州係二百三十五金科試在甯武府係一百金寒士苦之光緒七年知州王智和倡捐廉俸與紳庶共集銀一千三百兩發商生息事成適巡撫張之洞議定棚費由官支給不取於士智和改此款為賓興又撥河上捐項入書院以充經費十八年再署州事時值年荒散賑從寬大得民心

第十九節 劉鴻達 陳贊清

劉鴻達長於聽訟事無大小皆能洞見隱微至今猶有稱道之者陳贊清為政尚嚴奸邪斂迹地方賴以安堵十九年外國人來州營立教堂期在必行州人皆不欲贊清據公議以忠告外人感謝而去

第三章 兵事

第一節 宋

宋真宗景德元年十月契丹耶律氏鮮卑種後改號遼據黃龍府南至大河北至沙漠東至渤海西至其地也入寇往圍岢嵐軍大將高繼祖擊之敗徽宗建中靖國二

年金人襲取保德軍欽宗靖康元年復取之

第二節 元明

元順宗至正十三年府谷官兵叛亂未犯州城樞密院判袁公引兵防守賴以安堵

明正統四年十月也先瓦剌強臣在瓦剌者蒙古部故元後也入寇至西庄村成化

十五年火篩韃靼強酋韃靼者即蒙古部故元後也入寇至王家寨正德十一年韃

靼入寇至大塔鋪

第三節 明之俺答

嘉靖十八年俺答韃靼別部長據北陰山附近是為土默部之祖入寇至城下其後二十

年至三十二年無歲不擾四十年又入寇攻破堡寨窖洞無數放馬東關無人敢近四十三年由河曲五虎山下踏冰橋入犯把總

王宰戰死官兵陣亡者三百餘人近郭居民悉被殺掠四十四年又由徧關入寇至柏森村叢林村趙家塢及南關殺掠男婦數千口

第四節 明之俺答

四十五年俺答由唐家會踏冰入寇戕害本所百戶徐堯臣及軍人百餘名又數日從賈家灣踏冰犯馮家川等處人煙盡絕鬼燐宵寒歷年苦害此歲為甚隆慶元年由河曲過境長驅奇嵐直入汾州

第五節 明之流寇

崇禎三年府谷賊王嘉允從神木渡河犯城下知州王國珪拒之賊知有備引去破黃甫川清水木瓜三堡遂陷府谷河曲十三年

李自成自陝西渡河由州趨太原

國朝 第六節 牛化麟 周四

順治六年大同總兵姜瓖叛本州守備牛化麟陰謀往應路為王師所敗引殘衆二百餘人回州人不知也納之化麟入城遂殺知州徐效奇及州民高雲紅喬利動等掠餉據城與府谷賊高有才為犄角勢以應瓖

朝命刑部侍郎李瑣秦平西王吳三桂等來討牛負固不服州人崔耀楊振林等十八人謀誅之

康熙十四年陝西賊朱龍黨周四踞府谷將犯州城知州李遇時禦之

第七節 回亂

同治四年甘肅回匪作亂六年入陝西榆林一帶七年正月陷神木擾府谷所過蹂躪知州姚慶布督辦鄉團

朝命提督宋慶統兵九千駐黃甫川山西巡撫呼延齡領步兵五百鄭馮辛領馬隊二百均駐東關吳炳鑫領礮隊三百駐馬家灘以姚慶布總司糧餉協力防堵兵威遠震賊不敢犯轉向河曲亦為大兵所敗卒以不得渡河而去

第四章 耆舊

第一節 趙 甯

宋

趙甯十世同居家衆至五百餘口甯處家仁讓皆能和睦治平二

年封果國郡伯賜米五十石絹五十疋旌表門閭名其鄉為義門

即今義門都
第二節 狄元昌

元 狄元昌世豐於財慷慨樂施元昌善承先志凡稱貸者有求必應至不能償者輒焚其券曰吾身後不可令子孫徵負於人也以孫貴贈天水郡伯

第三節 狄琮

狄琮元昌之子事晉王為內史府司馬講貫經訓盡忠規諫王嘉納之未幾進大中大夫知無不言王薨哭至嘔血曰吾尚可以生乎召子東山諭之曰為人臣子惟忠與孝爾其勿違言訖遂卒

九

第四節 趙彥亨 高爵

明

趙彥亨洪武間進士官監察御史不畏強禦不避貴戚以言事降江西安福知縣高爵洪武間以舉人官監察御史每有建議朝紳動色

第五節 張綬

張綬居母喪不飲酒不茹葷廬墓三年正德間貢入太學上疏言保德與河曲歲供宣化府稅糧四千石穀草五千束而本州設有守禦千戶所糧草不足又在平陽府坐撥山路崎嶇徒費運脚兩有不便請將歲供糧草存留本處支用永不起運奉旨依議州人德之

第六節 戴辰

戴辰官所千戶嘉靖三十七年俺答大舉圍豐臺城奉檄往援顧妻趙氏曰後事昇爾謹奉舅撫孤遂擐甲躍馬入重圍手刃數級提示城頭矢盡力竭竟沒於陣寇亦驚畏夜解圍去次日得屍刀砍箭傷凡十七處贈指揮僉事

第七節 王昌齡 徐堯臣 錢棟

王昌齡官所百戶嘉靖四十一年禦俺答於西豹峪挺身遇害徐堯臣官所百戶四十五年領兵赴唐家會打冰防暗渡也俺答踏冰入犯堯臣力戰面中五夫刀傷七處陣亡贈副千戶錢棟任老營副總兵隆慶四年與俺答戰死贈都督指揮僉事

第八節 馬化龍 崔士成

馬化龍萬曆間歲貢幼知定省長以孝聞親喪盡哀盡禮鄉鄰皆矜式之好恤人之急而不責其償遇橫逆惟平氣以處之人每愧謝至訓子孫則凜凜義方不少假借一門雍肅稱積德焉崔士成以進士官戶部主事性真誠慷慨憐老恤貧上疏免本州無地之糧遠輸之稅請修州城人利賴之

第九節 王所用

王所用有文名博覽羣書究心理學年四十餘得選貢不仕及父母俱歿乃謁選授四川仁懷知縣時當兵燹之餘極稱難治所用因俗布化只去太甚不強所難加意教養大得民心五載任滿當陞以無與援昇代藩府審理官民不忍別為立去後十思碑所用歸不入公庭讀書課子卒於家

第十節

王 邵 一

王邵所用之子留心古學首重名節當孝廉時王嘉允來犯州城邵設計得嘉允妻縛示城外賊怒度不可攻引去崇禎辛未成進士授翰林院檢討遂以天下為己任前後拜疏數千言慟哭流涕知無不言

第十一節

王 邵 二

及奉使代藩使道回籍復值賊至仍隨父老荷戈登城日夜固守事畢以所過地方被寇災傷情形并奉旨已蠲錢糧而有司仍在追徵各弊具疏直陳詔撫按查辦

第十二節

王 邵 三

陞官起居注即口奏用人要務謂用人必先得用人之人則君子

十一

連類而進破門戶破資格毋使人才屈抑求老成開自新毋以小過廢棄慎撫按監司守令之選而後大法小廉悉民間兵亂災耗之情而後內甯外治除軍餉鹽政錢法之弊而後國裕家給上為動容

第十三節

王 邵 四

後以部黨禍起被廢回籍猶與地方大吏議設本州營伍以固邊疆創築南關蠲除增額鹽票人甚賴之癸未召起為司業未赴卒

第十四節

陳奇瑜 上

陳奇瑜初以進士為洛陽知縣頗有惠政崇禎五年歷陞至延綏巡撫殺流寇頭目百八十人威著關陝值本州歲飢賑以三千金並代完一年租賦尋擢總督陝西山西河南湖廣四川等省軍務

專辦流賊

第十五節 陳奇瑜 中

奇瑜檄將會兵先定湖廣繼向漢中官軍肆集賊魁李自成張獻忠大懼遁走誤入興安今陝西興安府之車箱峽路絕難出又值久雨人困馬乏一鼓可盡李自成乃以重寶賄左右請降奇瑜遽許之籍賊衆三萬六千人悉令歸農

第十六節 陳奇瑜 下

賊衆既出棧道復叛攻掠州縣勢不可遏關中大震奇瑜自悔失計而欲委過他人被劾削職放歸田里甲申鼎定郝安才據府谷叛誘奇瑜去賴舊將唐通為之謀殺安才乃得歸順治五年以蓄髮正法

第十七節 姜名武

姜名武天啟間武進士為通州副總兵崇禎十五年李自成圍開封從保定總督楊文岳往援大戰朱仙鎮力竭被執大罵賊傑殺之其親兵耿道明姜業隆王豹朱喜貴白玉柱楊守薦莊登科均從之死贈右都督

第十八節 韓友范

韓友范萬曆間舉人授河南鹿邑知縣創造城池禦寇有功累陞至神木道副使闖賊陷城友范以金簪自刺不死賊誘至太原北小店勸降友范曰吾所事者聖帝明王未見有眇而帝者遂殺之

第十九節 高日晷 常道行 楊于階

高日晷崇禎間武進士授甯武遊擊有勇略闖賊陷城隨總兵周

遇吉血戰死之常道行以歲貢授黑水監正楊于階為河南濟源知縣均因闖賊陷城罵賊不屈而死

第二十節 郭邦奠 姪磐 康明秋

郭邦奠郭家灘人王嘉允擾至里門邦奠與姪磐倡義奮勇率眾殺賊均為賊殺知州王國珪嘉之為繪二像於廟壁康明秋一丐耳住東門外半坡見王嘉允猝至城門尚開明秋急登屋以瓦肆擊賊稍退城中乃得設備給賞不受請匾匾曰奮勇擊賊

第二十一節 姜宗呂

國朝

姜宗呂名武之子幼遭父難往返數千里慷慨陳情屢疏請卹卒得如請乃止事母至孝撫弟能友順治六年牛逆之亂宗呂在危

城中賊屢召之不去亦無害肅清後人問之宗呂曰吾料避就皆死義不可昧而賊無定情悅以賂遺御以術數或可死中逃活耳人歎服之己亥成進士人稱孝友文章授濰縣知縣不赴任卒於家

第二十二節 張射斗 崔耀 楊振林 張國申

張射斗廩生見牛逆踞城屠殺日眾謀殺之不果被害崔耀楊振林糾合張國申等十八人斧砍牛逆取其首奪門迎官軍入

第二十三節 白眉

白眉家貧常過木瓜園得遺金坐待其人而還之順治年以拔貢官江南無錫縣丞革陋規糧二千餘石君子以為難陞彰德府同知署武安再署安陽清糧息訟時有十清廉之稱以安陽盜案累誤歸杜門不出卒於家子君琳博學能文纂修州志

第二十四節 姜 楠

姜楠宗呂之子康熙乙丑進士授湖廣麻城知縣革除積弊以卓異內陞補戶科給事中疏參倉米虧空捐納欺蒙諸弊任司空稽察錢弊無遁情生性誠篤實心實政遇事不苟疊掌文衡所得皆知名士累遷至吏部左侍郎以病卒

聖祖震悼

諭賜

祭葬

頒賞

御筆廉靜匾額表裏常交正動靜自弗違對聯朱子詩一副

第二十五節 劉祖舜

十四

劉祖舜家貧力學成進士授廣西懷遠知縣值煽亂之後地方元氣大傷祖舜加意休養三載後善政既多告歸終養奉甘旨承顏色而外日惟閉戶讀書作我論一篇謂學莫先於認我莫壞於徇我認我則致中葆和而位育由我徇我則縱情任私而物欲攻我

第二十六節 徐 煜 曹工亮

徐煜父國贊充保德營兵康熙間從征噶爾丹煜方應童子試痛父年老請身代之凱旋生子開第成進士人以為孝行所感曹工亮慷慨直諒友于兄弟嘗取先人遺券一概焚之蕭然無營惟以勤儉教子弟為務

第二十七節 徐開第

徐開第幼貧苦生性穎異遇書輒能解十歲後日為負販夜乃讀

書雍正年成進士授直隸甯津知縣縣多訟開第謂百姓皆吾赤子其舞法為奸者乃訟棍與吏役也擇最甚者重懲之數月大治調永清縣再調東明皆有河患設法安堵民賴以安大吏交章保薦力以病辭歸人異之開第曰人若不知止余起寒微三仕繁要幸免無過及今不去後且欲去不得也

第二十八節

閻

緒子介

馬在霞

閻緒先貧後富自奉儉約而救災恤鄰見義必為宗族蕃衍徭賦不均緒為定法分作六等有極貧者則代為完納其子介和善繼先志遇歲歉以己穀減價平糶馬在霞赴集暮歸拾遺金七十兩主求之適遇某甲疑其匿也將忿拳與爭馬詢其囊裏既符還之

第二十九節

張拱極

張拱極乾隆間舉人以大挑任湖南瀏陽知縣縣俗停喪數年不葬有甚至數十年者娶媳必求厚奩拱極皆力為勸草有偷兒犯案訊係父母俱存九胎凡十八子為貧所迫也拱極與之金其人改業致富後以拿獲偽天師遷永州府同知

第三十節

張三綱

張三綱以拔貢七品京官除湖北襄陽知府人稱清廉族中有不能婚嫁者無不竭力資助處鄉黨以敦睦為務輕財重義卓然可風

第三十一節

王文鳳

王文鳳嘉慶間由舉人大挑知縣歷陞廣東雷瓊道性曠達讀書觀大義居官有賢聲五世同居家口眾多廉俸所入不私蓄

第三十二節 王汀洲子樟樹榭

王汀洲道光間舉人少家貧好讀書學純邃氣度和平樂育人材教子有方子三長樟性耿介官朔平教授年八十手不釋卷次榭三榭皆以舉人大挑教職俱有父風

第三十三節 王芳洲 陶慶長

王芳洲性至孝母病六年未嘗一離左右母亡哀毀骨立間慶長事母至孝母壽百歲終慶長亦衰老廬墓一年子孫浼親友再三勸之乃歸

第三十四節 王 楫

王楫性孝友篤學不倦道光己丑成進士官戶部以廉明稱除安徽鳳陽知府未幾告歸養親教子輕財仗義維持學校不辭勞怨

鄉議高之

第三十五節 王 楮

王楮三歲喪父受母教刻苦讀書得副貢性清高不仕博學無方尤精易理惟以裁成後學造福桑梓為念同治年回匪之亂知州姚慶布造廬決策楮力主團防布置周密不事張皇皆見施行州賴以安年七十一無疾而終姚慶布哭之輓云六載苦籌邊喜君學古知幾慷慨能言戡亂事七旬欣健飯對我雄談大嚼吁嗟不見老成人額言品端學粹著有觀察輯要團防議

第三十六節 徐克明 弟克剛

徐克明謹言慎行事母至孝飲食起居必躬親侍奉不假手他人母年過六旬更朝夕不離左右弟克剛幼力學事母以孝聞與二

兄友愛尤篤咸豐癸丑成進士官禮部遷監察御史樂育人材卒於家

第三十七節 王 蕊 子天衛孫克恭曾孫三鳳

王蕊道經黃石崖見陡壁深溝有意修橋因貧不果臨終囑其子天衛曰能建此橋即吾兒也道光四年天衛興工無成病卒其孫克恭繼之至十年工竣統費萬金皆出自己其曾孫三鳳又重修而加厚焉有司名其橋曰善繼

第三十八節 張冲魁

張冲魁咸豐癸丑進士以知縣用署河南商水知縣修城興學有政聲補柘城縣適值兵燹之餘盡心民事三月鬚眉皆白

第三十九節 張兆魁

張兆魁學知大體性孝友其先家素豐同治間遭狃匪之亂一貧如洗處之泰然弱冠登賢書大挑一等請降用成進士又請降人問之曰為貧而仕閒曹足矣選蒲州教授未赴任卒

第四十節 王自然 王有貴

王自然舉人杜門讀書手不釋卷事親以孝聞侍諸弟怡怡如也王有貴道光間舉人授甘肅肅州州同光緒二年委辦軍務殉難世襲恩騎尉

第四十一節 楊懷珍

楊懷珍以商賈成家人稱長厚於光緒二十三年捐錢千緡在東關立義學一所越三年值荒旱又出銀四百兩助賑鄉人賴以全活遇鄰里貧乏者時有施予

第四十二節 死節婦女

張氏劉希明妻家富生子二夫被寇殺氏不食死 陳烈女奇
瑜之妹幼許州民郭姓者及長郭無行且貧奇瑜漸貴顯耻之議
別嫁女自縊死 張氏郭氏王氏俱陳奇瑜妾 崔氏嚴機妻
楊氏馬上行妻 康氏楊璋妻 馬氏張文蔚妻 李氏夫失名
劉氏康騰雲妻 徐氏趙青槐妻 陳氏張企棧妾 范氏康
附庸妾 汪氏王捷妾 自陳氏以下皆因夫沒無嗣青年死節
事蹟相若可為閭範特類列之

第四十三節 夫亡年少家貧撫孤守節最苦之婦

張氏吳馨妻家貧夫亡遺前妻子一七歲一五歲已生子二方襁
褓氏年二十二撫子成立 趙氏賈茂妻 王氏呂公庭妻 張

十六

氏袁汝椿妻 韓氏李欽妻 張氏王正南妻 楊氏王郅妻
崔氏康興妻 王氏張射斗妻 孫氏王立轂妻 郭氏王迴妻
李氏楊凌漢妻 馬氏王考祥妻 楊氏馬臧妻 胡氏姜果妻
梁氏陳之綸妻 郭氏郝自福妻 賀氏李繼憲妻 王氏雷
治妻 王氏張丕烈妻 薛氏崔丕來妻 王氏楊澍妻 陳氏
呂君齊妻 喬氏吳上智妻 楊氏馬文舉妻 吳氏張齊妻
焦氏趙三采妻 袁氏楊諫妻 王氏韓大政妻 郭氏白大幹
妻 楊氏王順德妻 徐氏王麟洲妻 王氏徐瀚源妻 吳氏
陳樹桐妻 楊氏吳順妻 自吳張氏以下皆以夫亡家貧撫孤
成立其苦節相若因類列之

第四十四節 夫亡親老年少撫孤節孝兼全之婦

趙氏所千戶戴辰妻嘉靖間夫陣亡翁寃年七十子延春三歲氏年二十五伏屍號痛絕粒三日不死二載翁歿喪葬如禮 白氏高章妻夫亡善事翁姑 王氏袁鶴壽妻夫亡奉姑姑歿哀毀備至 吳氏胡永貞妻家貧夫亡善事翁姑人稱女中志士 馬氏陳燦妻家貧夫亡事姑極孝 尚氏張瑄妻夫亡孝事孀姑 王氏冀國陞妻夫亡家貧事翁以孝聞 徐氏郭德裕妻夫亡善事翁姑 吳氏張齊妻夫亡家貧事姑以孝聞 管氏可會妻夫亡家貧善事孀姑 陳氏王煥先妻夫亡事翁姑極孝 黃氏王自煇妻河曲貴家女也素有順德夫亡姑病七載便溺在牀奉事不懈

第四十五節 姑婦雙節

十九

楊氏張茂德妻夫亡遺子應棟撫育成立為娶翟氏生子二應棟亦故王所用為作雙節傳 黃氏王麟妻夫亡遺子懋德撫育成立為娶李氏生子二懋德亦故有司匾其門曰寒松雙茂 李氏吳學詩妻夫亡與姑馬氏共勵苦節有司題曰姑婦雙節 李氏獲鹿縣丞王維藩妻夫卒於官扶柩歸遺腹生一子名宇撫育成立為娶楊氏生子未週歲宇亡

第五章 人類

第一節 州人之性情風俗

全境皆漢族性質簡樸布衣粗食城鄉皆然富不奢華貴不驕傲貧不盜劫賤不乞憐不欠錢糧不交官府饒有古風

第二節

但學校不興識字者少蠶織不務寸絲尺布俱來自遠方固陋自安睚眦必報小忿輒投崖跳河無屈而入衙呼冤放月利以刻剝窮黎唱秧歌以大傷風化嗜賭博吸洋煙有病則召巫祈禳送死必延僧誦經皆惡俗也是又在任教育之責者善為勸止

第六章 戶口

第一節 戶口總數

全境一萬三千一百六十二戶男三萬八百九十三口女四萬五千六百三十五口每年額征地丁銀二千六百六十兩八錢五分五厘耗羨銀三百四十三兩三錢八分二厘兵米一千二百四十二石五斗四升九合四勺二抄八撮

第二節 生齒不繁之原因

生齒不繁有四大原因

- 一 光緒初年大侵之際逃亡最多而前後每遇荒年無不鬻賣子女
- 二 境內山多地瘠土產不豐士農工商因而餬口四方春去冬回團聚日少
- 三 男婦多吸鴉片煙熱坑嬾動秉受較弱
- 四 終年大風寒暑皆甚小兒最易受病亦不講求調護

第七章 氏族

第一節 州人之由來

本境無大姓巨族戶口零畸同姓不宗有江南人由前明宣德七年置保德所額兵一千餘名皆自江南諸地調來以禦西亂積久

遂家焉是為所民今散居城內及五都地方

第二節

又有宣化府人於前明盛時遷來其餘土人約十分之七佔居日久但其世系皆不可考蓋讀書者少不修家譜不建宗祠問其先祖大率茫然

第八章 宗教

第一節 宗教

全境以儒為宗教人知尊崇僧侶無多但習唸經禮懺而已羽流更屬寥寥別教全無

第九章 實業

第一節 士

三

一士 州志曰士知經誦而績學者少雖因憂貧無心誦讀然習於燕安怠惰者居多是以科第數年僅見焉惟安貧守拙耻為不義公庭屏迹不讓名區接近日約三百餘人

第二節 農

二農 州志曰農勤力作而土不肥澤遇豐年差足餬口荒年冬儲憂菁春以穀糠採茶雜而食之其苦如此接近日約二萬餘人

第三節 工

三工 州志曰工造器皿不事雕鏤取值不甚貴近來人民稠雜物值稍昂接近日約二百餘人

第四節 商

四商 州志曰商僅小販積貨者少日用常物往往不繼城中尤

甚食品不足取資蒙古出外謀生半居蒙古部落商賈全賴河上水運油糧他物絕少豐年油糧擁塞別無生理肩挑貿易而已按近日約七百餘人

第一節 補遺 張勵行

張勵行家貧教學幼有孝行母病親奉湯藥衣不解帶有司為舉孝廉方正旋中光緒壬午科舉人出宰海康縣俗遇命案即以賄進名曰袍金勵行卻之曰官得幾何而胥役等因緣為奸民不堪擾矣永為裁革去之日民懸燈結彩有官清民樂之頌



